

# IHhovisi leSifunda uMzinyathi: Lihamba phambili ezinguqukweni zezenhlo

VUSI SHABALALA

Uguquko kwezinhlo ngokujwayelekile lwenzeka lapho umphakathi unesidingo esikhulu sentuthuko. Kubalulekile ukufunda lo mbhalo ukuze siqonde ukuthi iHhovisi LoMnyango Wezemisebenzi Yomphakathi esifundeni uMzinyathi liphumelele kanjani ekuletheni uguquko emphakathini eliwusebenzelayo.

Ekuqaleni kowezi-2016, abaphathi beSifunda uMzinyathi abaholwa nguMnu. Dumisani Mqadi onguMqondisi weSifunda yibona abahamba phambili ekwakheni ubudlelwano okuhloswe ngabo ukuhlanganisa amalungu omphakathi kulokhu afisa ukukuzuzwa, ukuzazi kanye nokuba babe yinto eyodwa okuholela ekwakheni komphakathi. Izinto ezinhlobonhlobo zingaholela ekwakhiweni komphakathi okuyilezi: ukuqhuba ezolimo ngokuhlanganyela; amaqembu okufunda, imigubho namadili, imiklamo yezobuciko, kanye nezinkontileka zomphakathi ngokunjalo nemiklamo yezolimo.

UMnyango Wezemisebenzi Yomphakathi usubambe iqhaza

elibonakalayo ekuthuthukisweni komphakathi ngokusebenzisa izinhlelo nezinhlelo zokweseka ezahlukahlekene.

Lolu hlelo lwaziwa ngokuthi yi-Operation Sukuma Sakhe (OSS) okuchaza ukuthi 'sukuma wakhe'. Lena yinhlabamkhosi kubantu baKwaZulu Natali ukuba bazinikele ekunqobeni izinkinga esezibhubhise imiphakathi okungububha, ukungasebenzi, ubugebengu, izidakamizwa, i-HIV ne-AIDS, i-TB kanye nezinye izinkinga ezikhungethe umphakathi. Kulo mbiko, sibika ngomndeni wakwaZwane umuntu angawuchaza ngokuthi nje uhlwempu nothathwa njengohlupheka kunayo yonke eminye ehlupekayo emphakathi wase-Glencoe. Lo mndeni unamalungu ayi-12 kanti uphethwe uNksz. Zwane ohlala e-184 Khelani Street kuWadi 3 e-Glencoe.

I-Glencoe isesiFundeni uMzinyathi KwaZulu Natali kanti umnotho wakhona izimayini zamalahle kanye nokufuywa kwezimvu nezinkomo. Ithimba lesifunda lahambela lo muzi

ngenhloso yokuzohlola ukwakhiwa kwawo, nokuyilapho kwenziwa ukuhlolwa okujulile kwale ndlu.

Ekuqaleni, le ndlu yayinamagumbi amabili nokuyisimo esasenza kubenzima ukuba imumathe umndeni onabantu abayi-12.

Ithimba elalizohlola lo muzi lahlonza lezi zinto ezilandelayo ukuthi zilungiswe ngokuphuthumayo: ukuklayeka kwezindonga ngaphandle nangaphakathi; uphahla olunethayo, ukuklayeka phansi; amafastela angenamagilasi; indlu yangasese esindla kakhulu. Akekho umuntu ophilayo ofanelwe ukuhlala phansi kwezimo ezinjena.

Kweziwa lezi zincomo ezilandelayo kubaphathi ukuze kulungiswe lesi simo ngokufanele: ukwakhiwa kwamagumbi amabili okwengeza ingumbi lokuzeza elionendlu yangasese nobhovu wokusha; ukufakwa kweminyango ehluthulelwayo kanye namafasitela anamagilasi; ukulungiswa kwephansi lendlu kuphinde kuphulasitelle izindonga ngaphandle; ukupendwa kwendlu

yonke. Emva kokuba izikhulu sezithathe isinqumo, nansi inqubekelaphambili eyenzeka: ukusebenzisana phakathi kwehhovisi lomnyango lesifunda kanye noMasipala uMzinyathi kwaholela ekuthengweni kwezinto zokwakha okungusemende, amabhloksi kasemende, iminyango nokhiye bayo.

Ngaphezu kwalokho, kwasetshenziswa izinto zokwakha, okungothayela bokufulela kanye namapulungwe, ezaziduve ezikoleni zakulesi sifunda.

Kwasetshenziswa abantu beSifunda uMzinyathi abakufundele ukubeka izitini, ukushayela amapulungwe, ukupenda kanye nokufaka amapayipi ukuqedela le ndlu.

Kumele sikuveze ukuthi ukufakwa kwamapayipi endle kwenziwe ngendlela efanele kule ndlu.

Ukwakhiwa kwale ndlu yase-Glencoe enamagumbi amahlanu kwaba yimpumelelo.

Lo mndeni manje usuphila impilo ehloniphekile efiswi yiwo wonke umuntu walapha eNingizimu Afrika. Ngempela lokhu kungukuqopheka

komlando kulo mndeni kanti futhi kungusemisenzi omuhle oyohlala ukhona owenziwa yilo hulumeni obusayo njengamanje.

Ukusebenzisana kwalolu hlobo kuhloswe ngakho ukwenza ngcono izimpilo zabantu emphakathini ngokuhlomisa ngamandla izakhumuzi, izinhlangano ukuze zihlonze izinto okumele zibekwe eqhulwini kanye namathuba kanye nokusebenza umuntu ngamunye nangokuhlanganyela, ukuqinisa ubudlelwano obuhle komakheklwane kanye/ noma uguquko emphakathini. Masilawulwe yimigomo "yokukwakhiwa kwesizwe" ethi akekho umuntu oyinkomo edla iyodla.

Ngakho siyayincoma imisebenzi kahulumeni lapha KwaZulu Natali yokwenza izimpilo zabantu zibe ngcono ngomkhankaso owaziwa nge-Operation Sukuma Sakhe.

Nokho-ke, abantu abafana noMnu. Mqadi kanye nabanye abaholi bomphakathi kufanele bachonywe uphaphelwegwalagwala.



**“Ngokomlando waseNingizimu Afrika futhi ikakhulu ngesikhathi sobandlululo, ‘ilokishi’, kwakuyindawo eyayihlala abantu abamnyama (abantu abansundu, amaNdiya kanye namaKhaladi) ababehlala eduze nalapho kwakuhlala khona ‘abantu abamhlophe kuphela.’”**

UNgqongqoshe Wezemisebenzi Yomphakathi uMnu Ravi Pillay